

Châng thlan: *Thupuan 1:1.*

Zirlâite tân:

Hriat tûr: Thupuan bu kalhmang leh ziah a nih chhan hi an ngaihtuah ang a, chhandamna chanchina Isua hnathawh ber hi eng nge tih an hrethiam baw k ang.

Vei tûr: A Thû-ah leh khawvêl chanchinah leh ringtute mimal nuna inpuang chhuak Isua Krista chu hnaihin amah nêna inlaichîna an nei ang.

Tih tûr: Pathian thû chu ngâithlain a zirtîrnate an zâwm ang a, an thiltih kawng tin rêngah Pathian chu dah hmasa berin a hnukhârtu-ah an hmang thîn ang.

THUPUI THEN

I. Hriat tûr: Thupuan Bû thu ken pui ber chu

- A Eng vângin nge Bible-a lehkhabu tâwp ber hi “Isua Krista Thupuan Chhuah” tih hming puttîr a nih?
- B Eng tiangin nge Thupuan Bû leh Daniela Bû hi a inlaichîn?
- C Thupuan Bu kalhmang hian eng nge min zirtîr theih?

II. Vei tûr: Nangmahah Isua

- A Eng vângin nge Isua hian Pathian hnaih tûrin min puih a, eng tiang kawngin nge min puih baw k?
- B Eng vângin nge kan sâkhua leh kan nî tin nun hi a inkûngkaih a ngaih?
- C Eng tiangin nge Isua Kristâ Thupuan chhuah hian Pathian hmangaih tûrin min tanpui?

III. Tih tûr: Ringa zâwmin

- A Isua Kristâ Thupuan chhuah hi i hrethiam tawh a ni tih chhinchhiahna eng nge awm?
- B Eng tin nge i nîte i hman tan a, eng tin nge i khâr thîn?
- C I thiltih hrang hranga i ngaih pawimawh zâwngte chu eng nge ni?

KHÂIKHÂWMNA: Thupuan Bû hi Pathian thurûkte puanchhuahna a nih avângin a ngaihna wmin a mak êm êm mai a; chutih rualin

kan nun leh khawvêl tâwpna tûr pawh a sawi bawh avângin tûnlâi hun atân pawh a pawimawh êm êm a ni.

INZIRTÎR DÂN TÛR

RAHBI 1—Chawk phûr rawh

Bible châng thlûr bing tûr: *Thupuan 1:3.*

THLARAU THANNA ATÂNA THU PAWIMAWH: *Thupuan Bû hriatthiamna chabi chu entîrna leh chhinchhiahna a sawite i sawifiah theihna ngawtah a innghat bîk lo va. Hê lehkhawbua sual sim tûr leh LALPÂ rawngbâwl tûra Pathian kohnate i chhân lêt dânah pawh a innghat tel tho bawh a. Thianghlim taka nun hman i tumna leh LALPA tihlâwm i tumna kha tih tak zet leh rilru pe taka Pathian Thu i zirnain a tiêngin a kâihruai tûr a ni.*

ZÎRTÎRTÛTE TÂN BÎK: A bu tûr lamah Thupuan Bû kan zir dâwna kan hriat hmasak tûr tlângpui chu târlan nghâl a ni a. He hrilhlâwkna bu thu hi “chhiar” a,” “ngâithlâ” a, “pawm” bawh tûra hrilh kan ni a. A hmasa ber leh bulpui ber ni bawh chu chhiar phawt a ni. Keimahnî-ah hian thutak chu a awm lo va. Pathianin a thâwk khum thû-ah zâwk hian hmuh tûr a awm. Chu “hrilhlâwkna” thu chu kan “ngâithla” tûr a ni.

Hebrai tawng chuan “hria” tih thumal hian awmze pahni a nei a: a hmasa zâwk chu “hrethiam” tihna niin, chutianga hrethiam tûr chuan keimahnî finna, kan rilru kan senna a awm ve a ngâi (*1 Lalte 3:9; Neh. 8:3; Thup. 2:7*). Tin, “hria” tih hi “zâwm” tihna pawh a ni thei tho bawh a, chu chuan hriatthiamna kan neih chu chêtziaa lan chhuahtîrin Pathian chhân lêt nân kan hmang tûr a ni tih a kâwk. “Pawm” tih thumal hian thlarau nun hi kal chhunzawm reng leh tihnawn fo ngâi thil a ni tih min hriattîr a; kan thu chhiar leh hriatte chu kan rilru leh kan thinlungah a thar diaiin kan vawng reng tûr a ni tihna a ni.

Chuvâng chuan, lehkhabu tâwp lamah pawh hian he thumal tho hi a rawn sawi nawn leh ta rêng a ni (Thup. 22:7).

A sawi hawn nân: Thumal hmasa ber, “chhiar” tih hi thil pakhat sawina (singular) a nih lâiin, thumal dang pahnihte erawh hi chu thil pakhat âia tam sawina (plural) an ni ve thung a; hei hian a chhiartu chu pakhat chauh niin, ngâithlatûte erawh tam tak an ni tihna a kâwk. Chutianga a lo ngâithlatûte chu tam tak an ni hian Thupuan Bû hi chibai bûkna huanga mi a ni tih a tilang a. Chuvângin he lehkhabu hi mahni chauhin kan chhiar tûr a ni lo. I zirlâite nêh khân he chibai bûkna leh a huhua thiltihna hian eng thutak nge a kawh tih sawi ho rawh u.

Sawi ho tûr:

- ① Eng vângin nge Thupuan Bû hi keimahni ang bawka thutak zawng vetûte nêna chhiar ho ðhin a pawimawh?
- ② Hetianga a huhua chhiar hi eng nge a ðhatna leh ðangkâina awm?

RAHBI 2—Zawng chhuak rawh

ZÎRTÏRTUTE TÂN BÏK: Hêng thil pathumte hian i zirlâite kha Thupuan Bûin a sawite hrethiam tûra an zirna lamah puiin kawng dikah a hruai dâwn a ni: 1) Thupuan Bû hi Thuthlung Hlui lehkhabute, a bÏk takin Daniela bû nêh hian a inzawm; 2) Thupuan Bû nihphung leh kalhmang tlângpui; 3) Isua Krista hi a tinzâwn ber a ni.

ZIR ZÂUNA

I. Thuthlung Thar lehkhabûte zînga Hebrai sâkhaw rim nam ber chu (Thupuan 1:4 leh Exodus 3:14)

Thupuan Bû hi Thuthlung Thar lehkhabute zînga Thuthlung Hlui hnaih ber niin a ngaih theih a. He lehkhabu-ah hian Thuthlung Hlui thu nêna inzûl thumal 2,000 vêl hmuh tûr a awm a, chûng zînga 400 chu Thuthlung Hlui lehkhabutên an lo sawi tawhte

niin, 90 phei chu Mosia lehkhabu pangate leh zâwlneite lehkhabu thu a ngial a ngana lâk chhâwn a ni. He lehkhabu hi Hebrai mîte nun leh sâkhuaah a inthlung nghet êm êm mai bawk a, chuwâng chuan “Hebrai ÷awng thiam nâl tak ni lo tân chuan hriatthiam tak tak a harsa” niin an sâwi hial ÷hîn rêng a ni. Johana hian kohhran pasarihte hnêna a thuchah chu Thuthlung Hlui Pathian a÷anga lo chhuak chibai inbûkna nêen bul a ÷an zêl a. *Shalom* tih thumal hi Mosia hnêna thingbuk alha rawn inpuang (*Exod. 3:14*) LALPA Pathian sawifiahna ÷awngkam, “AWMA ka ni” tih a÷anga lo kal a ni.

Nimahsela, Thupuan Bû nêna inhnaih ber mai chu Daniela bû hi a ni a. He lehkhabu-a thumal hmasa ber, “thupuan” tih hi Daniela bû-ah pawh thumal pawimawh tak a ni a, a hrilhlâwkna hmuhte sawi hawn nân a hmang (*Dan. 2:19, 28, 29, 30, 47; 10:1*). Thupuan Bû hi Daniela bû tâwp dân anga bul ÷an a ni a, Johana khân Thupuan Bû hi Daniela bû chhunzawmna tûr niin a lo ngâi emaw ni tehrêng ni. Daniela bû hi “nîte tâwpna” (*Dan. 12:12, 13*) kâwktu eng emaw nghahnaa zung kaih malsâwmna nêna a tâwp khâr niin Thupuan Bû hi “tâwpna chu a hnâi tawh sî a” (*Thup. 1:3*) tia malsâwmna thu sawina nêen bul ÷an a ni ve thung a. Johanan amah a insawi dân, “Kei Johana” (*Thup. 1:9*) tih pawh hian Danielan inlârna a hmuh ÷uma amah a insawi ÷hîn dân, “Kei Daniela” (*Dan. 7:15; 8:15, 27; 9:2; 10:2, 7; 12:5*) tih kha a zûl hlê bawk. Hêng thil hrang hrang Thupuan Bû tîr lama kan hmuhte hian Thuthlung Hlui lehkhabute, a bîk takin Daniela bû nêen zir kawp a ÷ulzia min hrilh a ni.

Ngaihtuah teh: Thuthlung Thar lehkhabute hi Thuthlung Hlui lehkhabute nêna an inlaichîn tawn dân ngaihtuah miah lo va pâwng chhiar leh zir ngawt a hlauhawm dân chu eng nge ni? Eng tiangin nge hemi kawngah hian Kristian kohhran hian tihsual a neih? Eng vângin nge Daniela bû hi Kristian hmasâte zîngah khân lehkhabu lâk tak a nih ÷hîn? Kristian hmasâten Daniela bû an

chhiar ațanga chibai inbûk tawna țawngkam an chher chhuah chu eng nge ni?

II. A Ziarâng Hriatna (*Thupuan 11:19–14:5*)

Daniela bû ang bawkin Thupuan Bû pawh hi then hnihah a siam theih a; Daniela bû ang bawkin Thupuan Bû pawh hian tãwpna huna Pathian rorêlna lo thleng tûr leh, mihring Fapa lo kal lehna chu thupui berah a nei bawk (*Thupuan 14; Daniela 7*). Thupuan Bû bung hmasa lamte hian Johana-te hunlâi ațanga Krista lo kal lehna inkâr zawng a huam lâiin, a bung hnukung lam hi chuan Krista lo kal leh vân Jerusalem leia a lo chhuk inkâr zawng a sawi ve thung.

Hetianga bung hniha țhenna bâkah hian, Thupuan Bû hian biakbûk hmun thianghlim chungchâng a sawi tel bawk a. Biak bûka thil entîrnei tak tak, maichâm hmanga Kristâ inhlanna (*Thup. 1:5*) te; biak bûk hmun thianghlim hmanga khâwnvâr (*Thup. 1:10–18*) te; chutah thuthlunna bâwm hmanga biak bûk hmun thianghlim ber (*Thup. 11:19*) min ngaihtuahțîr thei thilte a lang a ni. Biak bûk hunlai chu Judate kût pasarihte khân kâwkin, chû chuan Kalhlen kût (*Thup. 1:12–20*) ațanga thil thleng indawt chho zêl, Bâwkte kût (*Thup. 21:1–8*) thlengin a târlang zui a. Chutiang chuan Thupuan thû hian thil awmzenei tak tak chungchâng chu a lo entîr a ni.

Ngaihtuah teh: Biak bûk leh Thupuan Bûa kan hmuh thil hrang hrangte inzawmna ațanga zirlâi kan zir chhuah theih chu engte nge ni? Eng vânge Pathian rorêlna chu Thupuan Bû-ah leh Daniela bû-ah hian hmun lailî takah a awm?

II. A lâi takah Krista (*Thupuan 1:5, 18; 3:21*)

Isua chu Thupuan Bû-ah hian a lang chhuak vek a. A bu tîr lama he lehkhabu nih phung sawinaah pawh hian langin, “Isua Krista thupuan chhuah” (*Thup. 1:1*) tih thu kan hmu phawt a, he lehkhabu thu chuangte hi “Isua Krista, thu hretu rinawm

tak, mitthi zîng ata piang hmasa ber” (*Thup. 1:5*) hnên aṭanga lo chhuak a ni. A tâwp lama a khârna thu a sawiah pawh hian lo lang lehin, thuhretuin amah Krista chu lo kal leh tûr thu a sawi a (*Thup. 22:20*), chutih chhûng chuan a khawngaihna chu kan dawng dâwn tih kan hmu bawk (*Thup. 22:20, 21*). He lehkhahu chhûngah hian Krista rawngbâwlna pêng hrang hrang sawi lan a ni a, chhandamna thlentu Kalhlên Kût Berâm No a nihna anga a thiltih te; thihna ata a thawhleth tû te, a kohhran chhûnga awma chên chilh rengtu a nihzia te, leh; hnehna a changa sakawr vâ chungah chuang lal ropui tak anga sawi a ni bawk (*Thup. 19:11–16*).

Ngaihtuah teh: Eng vângin nge Isua Krista hi Thupuan Bûa a thupui ber a nih? Thupuan Bûa Isua Krista âiawhtu chhinchhiahna pawimawh ber chu eng nge ni?

RAHBI 3—A taka nunpui tûr

ZĪRTĪRTUTE TÂN BĪK: Thupuan Bû hi thisena khat emaw tih mai tûr niin, Pathian pawh phuba lâk hmang tak ang maia chhuah a ni ta emaw tih a awl hlê a. Hêng thu, nunrâwng tak anga Pathian sawina ṭawngkam hrang hrangte hi Pathian ṭha leh hmangaihna ngah Pathian kan sawi nêh hian eng tin nge kan hmeh rem theih ang? Hetianga thahrûm thawh uar tak ni anga sawina thûte hian eng tiangin nge mîten amah an hnâwl phahna kawng a hawn? Thupuan Bû aṭanga zirlâi kan zir chhuah theih chu eng nge ni? Pathianin mihringte chungah ro a la rêl a dâwn a ni tih hriat hi eng vângin nge a pawimawh?

Ngaihtuah zui tûr/a taka nunpui tûr zawhnate: Eng vângin nge Thupuan Bû hian i nun a nghawng ang a, eng tiangin nge a nghawng bawng ang?

RAHBI 4—Boruak siam rawh

ZĪRTĪRTUTE TĀN BĪK: Thupuan Bū hian uchuak taka thil kalpuina a hring chhuak ve fo mai a, a chhan chu Bible-a lehkhabu dangte nēn chhiar kawp a nih ṭhin loh vāng a ni maithei e. Eng vāngin nge Thupuan Bū hi a mal chauha chhiar mai a finthlāk loh viau? Bible-a lehkhabu dang engte nēn hian nge chhiar kawp tūr ni le?

Tih tūrte:

- ❶ I class member-te kha Thupuan Būa chhinchhiahna hrang hrang awmte zawng chhuak tūr in hrilh rawh.
- ❷ Chūng chhinchhiahna hrang hrangte chu a awmzia leh Thuthlung Hlui lehkhabutea chhinchhiahna awmte nēn hian a inlaichin dân sawi ho rawh u.